



Broj: 01/12-02-304/25

Datum: 27.01.2025. godine

**PREDSTAVNIČKOM DOMU
PARLAMENTA FEDERACIJE BiH**

Primijeno: 28-01-2025			
Org. jed.	Broj	Priloga	Vrijednost

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 10. sjednici održanoj, 27.01.2025. godine razmatrala je sljedeći dnevni red:

1. Prijedlog Budžeta Federacije BiH za 2025. godinu - hitni postupak,
2. Prijedlog Zakona o Izvršavanju Budžeta Federacije BiH za 2025. godinu – hitni postupak,
3. Prijedlog Zakona o izmjenama i dopuni Zakona o budžetima u Federaciji BiH –hitni postupak,
4. Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog zavoda za zapošljavanje za 2025. godinu – hitni postupak,
5. Prijedlog Zakona o zaštiti od nasilja u porodici i nasilja prema ženama u Federaciji BiH,
6. Prijedlog Zakona o izmjenama i dopunama Krivičnog zakona Federacije BiH,
7. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad - 1. Prijedlog Budžeta Federacije BiH za 2025. godinu - hitni postupak

Zamjenica predsjednika Komisije dala je uvodne napomene, te predložila da se za tačke 1., 2. i 3. objedini diskusija kao i obrazloženja od strane ovlaštenog predstavnika. Ovaj prijedlog zamjenice predsjednika prihvatili su ostali članovi. U ime ovlaštenog predstavnika predlagača, članovima Komisije obratio se Elvis Bebaković te detaljno predstavio Budžet Federacije BiH za 2025. godinu, kao i Prijedlog Zakona o izvršavanju Budžeta Federacije BiH za 2025. godinu, te Prijedlog Zakona o izmjenama i dopuni Zakona o budžetima u Federaciji BiH. U diskusiji koja je uslijedila članovi Komisije postavili su nekoliko pitanja koja se prvenstveno odnose na

Federalno ministarstvo kulture i sporta, odnosno transferu za mlade u Federacije BiH. Nakon sveobuhvatne diskusije članovi Komisije usvojili su sljedeće:

ZAKLJUČKE

1. Komisija za pitanja mladih jednoglasno podržava usvajanje Budžeta Federacije BiH za 2025. godinu predložen po hitnom postupku.
2. Komisija za pitanja mladih je sa osam glasova „za“ i jednim „suzdržanim“ glasom, dala podšku usvajanju amandmana članice Komisije Marijane Hrvić- Šikuljak kojim se u Budžetu Federacije BiH za 2025. godinu predviđa povećanje transfera za mlade sa 600.000, 00 KM na 1.000 000, 00 KM. Komisija za pitanja mladih podsjeća Vladu Federacije BiH na usvojeni Zaključak Predstavničkog doma sa Tematske sjednice Komisije, održane 24.05.2022. godine, a koji glasi „Zadužuje se Federalno ministarstvo kulture i sporta da planira povećanje izdvajanja za Transfer za mlade sa 400.000,00 KM na 1.000.000,00 KM za 2023. godinu i navedeni iznos izdvoji u Budžetu Federacije BiH za 2023. godine, a koji će biti namijenjen za provedbu Strategije prema mladima Federacije BiH i projekte za mlade”.

Ad-2. Prijedlog Zakona o Izvršavanju Budžeta Federacije BiH za 2025. godinu – hitni postupak,

Budući da je obavljena zajednička diskusija pristupilo se izjašnjanju, te je Komisija za pitanja mladih jednoglasno podržala usvajanje Prijedlog Zakona o Izvršavanju Budžeta Federacije BiH za 2025. godinu predložen po hitnom postupku.

Ad- 3. Prijedlog Zakona o izmjenama i dopuni Zakona o budžetima u Federaciji BiH –hitni postupak

Budući da je obavljena zajednička diskusija, pristupilo se izješnjanju, te je Komisija za pitanja mladih jednoglasno podržala usvajanje Prijedloga Zakona o izmjenama i dopuni Zakona izvršavanju Budžeta Federacije BiH za 2025. godinu predložen po hitnom postupku.

Ad-4. Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog zavoda za zapošljavanje za 2025. godinu – hitni postupak

Članovima Komisije obratila se direktorica Federalnog zavoda za zapošljavanje te detaljno obrazložila Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog zavoda za zapošljavanje za 2025. godinu Nakon sveobuhvatne diskusije članovi Komisije jednoglasno podržavaju usvajanje navedenih Odluka, te predlaže Predstavničkom domu njihovo usvajanje.

Ad- 5. Prijedlog Zakona o zaštiti od nasilja u porodici i nasilja prema ženama u Federaciji BiH

Članovima Komisije obratila se ovlaštena predstavnica Federalnog ministarstva pravde te detaljno informisala članove Komisije o svim odredbama Zakona o zaštiti od nasilja u porodici i nasilja prema ženama u Federaciji BiH. Nakon obavljene diskusije, Komisija jednoglasno podržava usvajanje Prijedloga Zakona o zaštiti od nasilja u porodici i nasilja prema ženama u Federaciji BiH.

Ad-6. Prijedlog Zakona o izmjenama i dopunama Krivičnog zakona Federacije BiH

Članovima Komisije obratila se ovlaštena predstavica Federalnog ministarstva pravde te detaljno informisala članove Komisije o Prijedlogu Zakona o izmjenama i dopunama Krivičnog zakona Federacije BiH. Uslijedila je diskusija u kojoj je učestvovala većina članova Komisije koji su postavljali dodatna pitanja o predloženim odredbama za izmjenu i dopunu Krivičnog zakona Federacije BiH kao i uloženi amandmanima. Nakon obavljene diskusije, Komisija jednoglasno podržava usvajanje Prijedlogu Zakona o izmjenama i dopunama Krivičnog zakona Federacije BiH.

Ad-7. Tekuća pitanja

O ovoj tački dnevnog reda nije bilo prijavljenih za diskusiju.

U skladu sa članom 53. Poslovnika Predstavničkog doma za izvjestiteljicu je određena Marijana Hrvić-Šikuljak, zamjenica predsjednika Komisije.

ZAMJENICA PREDSJEDNIKA KOMISIJE
Marijana Hrvić-Šikuljak, s.r.